

## Flerschem muss was mache

Wenn merr so dess Sommerfest sehe dut dann waaß merr, dass so e Fest nirchend-wo onnerst als rund um die Galluskerch gemacht werrn kann. Im Geechedeil, grad der Platz zwische Kerch unn de Kerchschul kennt noch stärker genutzt werrn, villeicht ferr e groß Freiluft-Festspill, oomol im Jahr mettem historische Theaterstick aus emm alde Flerschem. Unn weil joo die Galluskonzerte von Fronkfort bis Wissbade unn Meenz bekonn sinn kennt ich merr vorstelle, dass so e Festspill nit nor von de Flerschemer, naa, grad von de Auswärdische besucht werrn det. Flerschem muss was mache, aach weeche de Fluchzeuche unn ihm Krach, weil desweeche gewwe mir uns nit uff unn die runderum solle wisse, dasses immer wert iss, hierherzefahrn unn uns ze besuche. Dess gonze Jahr iwver kann merr den Gallusplatz halt leider nit nutze, weil dort koo Eiscafé iss unn aach koo Wertschaft mett Stiehl devor, wo merr schee in de Sunn sitze kann. Dess iss joo aach de große Noochdeil von dem Rathenauplatz, dass dort so vill Beem sinn, dass die Sunn nit hiekimmt, unn deshalb unn weil aach dort koo Café iss bleibt der Platz so dot wie vor John de Friedhof, der dort gewese iss. Wie ich geheert habb soll dort ab unn zu mett so fronzösische Kuchele gespillt werrn, no ja, ich waaß joo nit ob merr doodebei so ins Schwitze kimmt, dass merr den Schatte von de Beem gut gebrauchte kann. Ich habb joo vorsjahr schunn emol oogereecht, aus dem Platz was ze mache, enn Spillplatz ferr Seniorn villeicht, unn dass merr doodeferr e paar von dene kronke Beem abhaache misst.

Villeicht werrd dess joo besser uff dem Axthelm-Gelände, dort soll joo e Bistro hie. Grad weil dort aach Heiser ferr alte Leit gebaut werrn solle derft nit vergesse werrn, dort aach enn Brunne unn Bänk hiezemache, die Alte wolle halt gern in de Sunn sitze unn setze doodeferr aach schunnemol enn Hut uff odder nemme de Sunnescherrn. Dann kriehn merr joo noch die Kolonnade, doo werrd joo was ferr die Leit gemacht, zum Sitze unn zum Esse unn Trinke, doo kann merr zugucke wie Große unn Kloone ihr Geld ausgewwe unn wie die Fraue rongiern, um uff dem große Parkplatz ihr Audo abzustellen.

Weil merr also so e paar Plätz hawwe, die wie Insele iwver Flerschem verdeilt sinn – doo kumme joo noch unser drei Parks dezu – unn weil aach bei uns die Leit immer mehr so e Karnche zum Dricke brauche misse sich die Macher uff de Stadt schunn emol mett dem Gedonke befasse, die Insele mett Weeche ferr Rollatorn ze verbinde. Ich denk merr, dass dess in e paar John wichdicher werrd als Fahrradweeche. Weil die Technik gieht joo weider unn wenn schunn de Opel bald e Elektroaudo baue dut, dann werrds nit long dauern, bisser aach so elektrische Rollatorn zum Druffstelle baut, mettere Batterie, die merr onn de Steckdos ufflade kann, weil merr dann vom Gänskippel biss enaus zu de Kolonnade zum Oikaafe fahrn unn zwischedorsch enn Abstecher ferr e Schwätzje zum neie Rathenauplatz unn zum Axthelm-Gelände mache kann.

Flerschem muss was mache, aach weil in e paar John e Verrdel von de Flerschemer iwver 65 Jahr alt sinn unn die Leit als älder unn wackelischer werrn, ich waaß von was ich redd. Unn ess iss besser sich jetz schunn uff die Elektro-Rollatorn oizestelle, nit dass merrs so mache wie doomols mett der erst Nähmaschin vom Opel, die mett Stoo beschmisse worrn iss, weil merr so enn neimodische Krom nit hawwe wollde. Eiern Honnes.